




ҚЫЗДЫ КӨШЕ ТӘРБИЕЛЕЙ МЕ?

5-БЕТ | МӘСЕЛЕ



АСТАНАЛЫҚ СПОРТТЫҢ АСУЫ

7-БЕТ | СПОРТ



ҚАЗАҚ ОРКЕСТРЫ КҮЙ ТӨГЕДІ

8-БЕТ | МӘДЕНИЕТ



Қасым-Жомарт ТОҚАЕВ,
ҚАЗАҚСТАН РЕСПУБЛИКАСЫНЫҢ ПРЕЗИДЕНТІ:

МӘЖІЛІСТІҢ ЖӘНЕ МӘСЛИХАТТАРДЫҢ КЕЗЕКТЕН ТЫС САЙЛАУЫ – КОНСТИТУЦИЯЛЫҚ РЕФОРМАНЫҢ ЖАЛҒАСЫ. БЫЛТЫРҒЫ РЕФЕРЕНДУМДА ХАЛҚЫМЫЗ БҰЛ РЕФОРМАҒА ҚОЛДАУ БІЛДІРДІ. СОНЫҢ НӘТИЖЕСІНДЕ ЕЛІМІЗ ӨКІЛДІ БИЛІКТІ ЖАҢА, ӘДІЛ ӘРІ АШЫҚ БӘСЕКЕГЕ ЖОЛ АШАТЫН ҚАҒИДА БОЙЫНША ЖАСАҚТАУҒА КӨШТІ.

№9
(4442)
Сейсенбі
24 қаңтар
2023 жыл



ASTANA

ELORDA
AQPARAT
МЕДИА ХОЛДИНГІ

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

A Q S H A M Y

1990 ЖЫЛҒЫ 13 ҚАЗАННАН БАСТАП ШЫҒАДЫ



МЕМЛЕКЕТ МЕНШІГІНЕ ҚАЙТАРЫЛДЫ

Еліміздегі алтын, көмір, темір және мыс кен орындары мемлекет меншігіне қайтарылады. Бұл жөнінде Премьер-министрдің бірінші орынбасары Роман Скляр айтты.

Бүгінгі таңда Үкімет жер қойнауын пайдаланушыларға берілген келісімшарттар мен лицензияларды қайта қарау бойынша жұмыс жүргізіп жатыр. Талдау барысында 2022 жылы уәкілетті органдар қатты пайдалы қазбалар бойынша 115 келісімшарт пен 198 лицензияны, сондай-ақ көмірсутек шикізаты бойынша 12 келісімшартты бұзды.

Нәтижесінде мемлекет қорына алтын, көмір, темір, мыс, боксит, полиметалл және тағы басқа кен орындары қайтарылды, олар кейіннен стратегиялық инвесторларға беру үшін аукционға шығарылады.

Сонымен қатар уәкілетті органдар қаржы міндеттемелерін бұзған жер қойнауын пайдаланушыларға айыппұл санкцияларын қолдану бойынша жұмыс жүргізіп жатыр.



АУЛА КЛУБЫ – ӘЛЕУМЕТТІК ЖОБА

Астана қаласында жастар мен жасөспірімдердің болашақта жан-жақты білімді, мәдениетті, ең бастысы тәрбиелі әрі өнерлі боп қалыптасуына оң ықпалын тигізетін аула клубы көп. Бүгінде олардың жалпы саны – 25. Бұл аула клубтарына елордадағы 7 жастан 29 жасқа дейінгі балалар мен жастар арасынан 3100-ге жуық тәрбиеленуші қатысады. Онда 124 үйірме мен секция жұмыс істейді. Оның ішінде бокс, каратэ, түрлі би үйірмесі, сурет салу, қолөнер, бағдарламалау және тіл оқыту сынды 68 спорт секциясы және 56 шығармашылық үйірме бар.

«ASTANA
AQSHAMY»

ГАЗЕТИНЕ ЖАЗЫЛУ
ЖҮРІП ЖАТЫР



ҚОҒАМ ҚАУІПСІЗДІГІН ҚАМТАМАСЫЗ ЕТЕДІ

Қоғамдағы құқықтық тәртіпті, тұрғындардың қауіпсіздігін қамтамасыз ету – маңызды міндет. Осындай ерекше жауапкершілікті атқарушылардың бірі – полиция қызметкерлері.

3

АЗЫҚ-ТҮЛІК ЖАҢА ӘДІСПЕН ЖЕТКІЗІЛЕДІ

Қазақстанда әлеуметтік маңызы бар өнімдер жаңа әдіспен сатып алынады. Бұл жөнінде Ауыл шаруашылығы министрі Ербол Қарашүкеев мәлім етті.

2023 жылдан бастап әлеуметтік маңызы бар азық-түлік тауарларын жеткізудің форвардтық қаржыландырудың жаңа тәсілдері енгізіледі. Ол үш кезеңде жүзеге асырылады.

Бірінші кезеңге күзгі және ерте көкөністерді форвардтық сатып алу, нәтижесінде алынған көкөністерді маусымаралық кезеңде нарыққа жеткізу кіреді. Бұл көкөністер бағасының ең жоғары өсуі қатыстың соңында байқалатынына байланысты. Көкөніс шаруашылығын қаржыландыру, жыл бұрын

себуді уақытылы жүргізу үшін: келесі жылдың ерте көкөніс өнімдерін өндіру 1 тамызға дейін, күзгі көкөніс өнімдерін өндіру бойынша 1 қыркүйекке дейін жүзеге асырылады.

Екінші кезең – шикізатты сатып алу үшін өңдеуші кәсіпорындардың айналым қаражатын қаржыландыруды қарастырады. Бүгінде қант зауыттарының айналым қаражатын қаржыландыру қазірдің өзінде Сауда

министрлігі, облыстар мен қант зауыттары арасындағы меморандум аясында жүзеге асып жатыр.

Қарақұмық, күріш және күнбағыс өндірушілерді өңдеуші кәсіпорындар арқылы форвардтық қаржыландыру мәселесі де пысықталып жатыр. Оны

жүзеге асыру 2023 жылдың наурызынан бастап жоспарланып отыр.

Үшінші кезең – мемлекеттік қолдау тетіктері арқылы қаржыландыру және арзандатылған азық-түлік – макарон, нан, сүт және сүт өнімдерін, сиыр еті, құс етін және жұмыртқаны өткізу. Іске асыру маусым айынан басталады.



ВАЛЮТА
БАҒАМДАРЫ

€ EUR/KZT 500.85 \$ USD/KZT 462.55 ₸ RUB/KZT 6.74 ¥ CNY/KZT 68.2

@NurSultanNewsBot | t.me/elordainfo

www.astana-akshamy.kz



АУЫЛДЫ ДАМУҒА 1 ТРЛН ТЕНҒЕ ЖҰМСАЛАДЫ

Мемлекет басшысы Қасым-Жомарт Тоқаев Қостанай облысына жұмыс сапарымен барды. Ең алдымен Рудный қаласындағы жылу құбырының жарылу салдарымен танысып, қалпына келтіру жұмыстарының барысы туралы өңір басшылығының баяндамасын тыңдады.

Қала әкімі Қуандық Испергеновтің айтуынша, қазіргі уақытта құбырлар ішінара қалпына келтірілген. Сондай-ақ топырақ төсеу жұмыстары жүргізіліп жатыр. Әкім жақын арада қалпына келтіру жұмыстары толық аяқталатынын мәлімдеді.

– Жалпы, еліміз бойынша да, осы облыста да жылу құбырлары апатты жағдайда тұр. Жағдай өте ауыр. Үкіметке бүгіннен бастап, әсіресе көктем және жаз айларында қысқы жылыту маусымына мұқият дайындалуды тапсырамын. Бұл – атқаратын басты міндет, себебі мұны созбалаңға салуға болмайды. Желілердің тозу деңгейі өте жоғары, 70, 80, кейбір жерлерде тіпті 90 пайызға дейін жетеді. Осы жұмыстармен айналысу қажет, – деді Президент.

Мемлекет басшысы жылу құбырының жарылуы салдарынан зардап шеккен Рудный тұрғындарымен кездесу барысында азаматтардың өміріне бұлай қауіп төндіруге болмайтынын айтты. Президент Қостанай облысы мен қала басшылығына жағдайды жедел қалпына келтіруді тапсырды.

– Құбырдың жарылғаны туралы хабарды тексеру үшін арнайы келдім. Жаңа ғана Үкіметке, облыс пен қала әкімдеріне осы мәселемен айналысуды тапсырды, – деді Қасым-Жомарт Тоқаев.

Сонымен қатар Мемлекет басшысы Үкіметке Рудныйдың әлеуметтік-экономикалық даму мәселелеріне ерекше назар аударуды тапсырғанын атап өтті. Қасым-Жомарт Тоқаев тұрғын үйлерге жылулық қайта берілгенін өз көзімен көру үшін Рудный тұрғындарының бірінің шақыруымен оның пәтеріне барды. Қала тұрғыны Олеся Геря жылу беру жұмысын жедел атқарғаны үшін барлық қызметкерге алғысын айтты. Президент Қасым-Жомарт

Тоқаев Үкіметке және Қостанай облысының әкімі Құмар Ақсақаловқа барлық коммуналдық нысанның үздіксіз жұмысын қамтамасыз ету ісін ерекше бақылауға алуды тапсырды.

Мемлекет басшысы Қостанай облысына жұмыс сапары

Мемлекет басшысына өндірістік қуаты сағатына 120 мыңнан астам жұмыртқа шығаруға жететін сұрыптау, өлшеу және маркерлеу цехындағы Nabel технологиясы көрсетілді. Сондай-ақ цехта құстарға жем-су беру жүйесін және ылғалды, жарық пен температураны қа-

жарлыққа қол қойғанын айтты. Сондай-ақ ауыл шаруашылығы мен ауылдарды дамытуға 1 триллион теңге бөлінетінін жеткізді. Оның пікірінше, Үкімет пен әкімдіктер бұл қаржыны өңір тұрғындарына барынша тиімді болатындай жұмсауы керек.



аасында Рудный қаласындағы «Жас-Қанат 2006» ЖШС-ке қарасты құс фабрикасына барып, құс шаруашылығына заманауи технологияларды енгізу жөніндегі қанатқақты жобаның жүзеге асырылуы барысымен танысты. Цехты аралау барысында Президентке компанияның қызметі туралы мәлімет берілді. Құс фабрикасында өндірілетін өнім еліміздің барлық өңірінде сатылады, сондай-ақ ТМД елдеріне экспортталады. Кәсіпорын басшылығының айтуынша, цехтың қуаты жылына 260 миллион дана жұмыртқа және 500 тоннадан астам ет өнімдерін өндіруге жетеді. Былтыр 517 тонна ет және 199,1 миллион дана жұмыртқа өндірілді.

лыпты ұстап тұратын құрылыс орнатылған. Өндірістің автоматтандырылуы сегіз сағатта миллионға дейін жұмыртқа тасымалдауға және орауға мүмкіндік береді.

Президентке облыс әкімі Құмар Ақсақалов өңірдің өнеркәсіптік және аграрлық әлеуеті жөнінде мәлімет берді. Атап айтқанда, Қасым-Жомарт Тоқаев ауыл шаруашылығы саласындағы перспективті жобалармен танысты. Осыдан кейін Мемлекет басшысы ауыл шаруашылығы тауарын өндірушілермен әңгімелесті. Қасым-Жомарт Тоқаев Қазақстан Президенті лауазымына қайта сайланғаннан кейін, ең алдымен, ауыл мен ауылдық аумақтарды дамыту туралы

Мемлекет басшысы Қостанай облысына жұмыс сапары аясында Соколов кен орнына барды.

Президент «Соколов-Сарыбай кен байыту өндірістік бірлестігі» (ССКӨБ) акционерлік қоғамына барып, Соколов кен орнының жұмысымен танысты. Кәсіпорын қызметінің негізгі түрлері – темір рудаларын ашық және жер астында өндіру, құрамында темірі бар шекемтастар мен концентраттар және тауарлық доломит өндіру. 2022 жылдың қорытындысы бойынша 26 миллион тонна кен өндірілді, тауар өнімінің көлемі 10 миллион тоннадан асты. Кен орнында Президентке «Еуразиялық топ» ЖШС-тің басқарма төрағасы Серік Шахажанов ыстық брикеттелген темір өндірісі жобасын

және кен орнын басқарудың автоматтандырылған жүйесін таныстырды. Мемлекет басшысына «Соколов-Сарыбай кен байыту өндірістік бірлестігінің» Еуропаға экспорттайтын өнімдерін ұлғайту жоспары туралы мәлімет берілді. Президент тау-кен өндіру секторы отандық экономиканың өсімін арттыратын негізгі саланың бірі екенін атап өтті. Мемлекет басшысы тау-кен өндіру ісін дамытуға қосқан үлесі үшін кәсіпорын жұмысшыларына алғыс айтып, жұмыстарына табыс тіледі.

Президент Қостанай облысына жұмыс сапары аясында Allur автомобиль зауытына барды. Қасым-Жомарт Тоқаевқа кәсіпорын жұмысы таныстырылып, алдағы жоспары баяндалды. Зауыт басшылығының айтуынша, былтыр 614,2 миллиард теңгенің өнімі өндірілді. Өткен жылы зауыт құны 21,5 миллиард теңге болатын өнім экспорттады. Кәсіпорында 2 мыңнан астам адам жұмыс істейді. Allur автомобиль зауытының жаңадан іске қосылған желісі Kia Sportage моделіне арналған. CKD – шанақтарды дөңкерлеу, бояу және құрастыру жөніндегі технологиялық жұмыстарды жүзеге асыратын шағын торапты автомобиль өндірісі. Ол үшін арнайы цехтар ашылған. Kia өндірісінің осы технологиялары Орталық Азия мен ТМД бойынша Қазақстанда ғана орналасқан.

Президент зауытты аралау барысында жас жұмысшылармен әңгімелесіп, оларға қолдау білдірді.

– Зауыт өте керемет екен. Таза әрі өндіріс мәдениеті өте жоғары. Біз жаңа ғана Kia Sportage көлігін көрдік. Бұл көліктің сапасы өте жоғары. Сондықтан сұраныс жоғары болады деп ойлаймыз. Біз келешекте инвесторлар шақырып, бұл зауытты ұлғайтамыз. Зауыттың болашағына байланысты ешқандай мәселе жоқ деп ойлаймын. Жастарға үлкен мән беріп отырмыз. Сондықтан бәрі дұрыс болады, – деді Қасым-Жомарт Тоқаев.

Зауыт өкілдері биыл Kia Cerato шығаратын CKD желісін іске қосу жоспарланғанын атап өтті. Сондықтан компания техникалық бағыттағы оқу орындарымен тұрақты жұмыс жүргізуді бастаған. Осы ретте кәсіпорын басшылығы техникалық оқу орындарының студенттері мен түлектеріне арналған 250 орындық кампус үлгісіндегі жаңа заманауи жатақхана құрылысының басталғанын мәлімдеді.

Kia Corporation президенті және бас директоры Хо Сун Сон бейнебайланыс арқылы шараға қатысып, автомобиль жасау саласындағы Қазақстан-Корея ынтымақтастығының маңызын атап өтті.

– Біз Қазақстан нарығы үшін ашылып жатқан болашағы зор мүмкіндіктерге ризамыз. Қазақстан экономикасы кең ауқымда және жылдам дамып келеді. Нарықтағы бизнесіміздің әлеуеті мол екенін көріп отырғандықтан, мен осы мүмкіндікті пайдалана отырып, ел басшылығына жеке бизнесті дамытқаны үшін алғыс айтқым келеді. Біз бұл үлкен істің бастамасы ғана деп сенеміз, – деді корпорация басшысы.

Сонымен қатар Мемлекет басшысына Қостанай облысының әкімі Құмар Ақсақалов жүзеге асырылып жатқан 3 жоба мен болашақта қолға алынатын басқа да инвестициялық бастамалар туралы баяндады. Орындалып жатқан жобалардың алғашқысы – темір құю цехының құрылысы. Биыл іске қосылатын кәсіпорында 300 тұрақты жұмыс орны ашылмақ. Оның құны – 78,2 миллиард теңге. Жылына 45 мың тонна құйма құятын жоба инновациялық өнім көлемін 8 пайызға ұлғайтуға мүмкіндік береді.

Жүзеге асырылып жатқан екінші жоба – жүк көліктерінің бөлшектерін шығаратын зауыттың құрылысы. Кәсіпорын 2 жылдан соң іске қосылады. 360 адамға тұрақты жұмыс орын ұсынатын жобаның құны – 82,5 миллиард теңге.

ЕЛЕҢ ЕТКІЗЕР

Қытайда эпидемиологиялық ахуал нашарлап барады.

Ел билігі қатаң карантин талаптарын алып тастағаннан кейін халықтың 80 пайызы індет жұқтырды. Ауруханаларда орын жоқ, крематорийлер мәйітке толып, өртеп үлгері алмай жатыр. ҚХР Денсаулық сақтау министрлігі мәліметінше, соңғы бір айда 60 мың адам індеттен көз жұмған. Ұлыбританияның «Aigflinity» медициналық деректерді талдау компаниясы сәуір айының соңында Қытайда індеттен көз жұмғандар саны 1,7 миллионға жетеді деп болжайды.



Ресей билігі кейінгі 22 жылда алғаш рет Жапония өкілдерімен Курил аралдарында балық аулау мәселесі бойынша кеңес жүргізуден бас тартты.

Бұған Токионың Ресейдің Украинаға басқыншылығына байланысты Батыс елдерінің санкциясына қосылғаны себеп болған. Мәскеу Курил аралдарында бірігіп шаруашылық жүргізу мәселесін талқылаудан да бас тартқан. 1998 жылдан бері Ресей мен Жапония арасында теңіз кәсібі саласында ынтымақтастық орнату туралы келісім бар.



Түрікменстанда парламенттің жоғарғы палатасы жойылып, бір палаталы парламент (халық мәслихаты) құрылды.

Мұндай шешім 21 қаңтарда түрікмен парламентінің біріккен отырысында қабылданды. Бір палаталы парламентке экс-президент, қазіргі президенттің әкесі Гурбангулы Бердімұхамедов жетекшілік етеді. Ол бұрын да жоғарғы палатаны басқарған. Оның «ұлт көшбасшысы» деген мәртебесі бар. Конституцияға енетін тиісті түзетулерге президент Сердар Бердімұхамедов қол қойды.

